

Bygdeutviklingsutvalget

Vaksdal kommune

5722 Dalekvam

Søknad om støtte til skilting av bygningar på Dale med kultur- og lokalhistorisk verdi

Dale har ei interessant historie som lokalsamfunn utsprungen av den tidlege industrireisinga i landet. Dette er det er viktig å ta vare på og formidla til den oppveksande slekta og til besøkjande. Den mest synlege delen av historia er dei fysiske bygningane.

Dale sentrumsforening og Vaksdal historielag har difor starta eit initiativ der me ynskjer å setja opp skilt på ein del bygningar med kort informasjon om bygningane sin bakgrunn og funksjon. Dette vert ei form for kulturhistorie i kortform.

Det er sett ned ei arbeidsgruppe som har valt ut ein del sentrale bygningar – 16 i talet.

Arbeidsgruppa har valt ut følgjande bygningar

- Dale Handelsforening
- Arbeidarbustadane
- Peratrappå
- Dale Forsamlingshus
- Dale kyrkje
- Paviljongen
- Heradshuset
- Dalehallen
- Vikahuset/Fyrarhuset
- Vatilehuset
- Petersen Handleri AS
- Gamlebanken
- Jebsahuset
- Stasjonen
- Kraftstasjonen på Dale
- Dale Fabrikker AS

Arbeidsgruppa har utforma kortfatta informasjon om bygningane ovanfor og vil innhenta løyve frå eigarane til å setja opp skilta.

Slike plakettar eller skilt kan ein sjå mange stader rundt om i landet (www.blaaskilt.no). Dei første vart sett opp i Oslo i 1990, og sidan har dei spreidd seg over heile landet. Arbeidsgruppa ser føre seg at desse skilta ville passa fint inn i vårt eige lokalmiljø. Sjå vedlagte døme.

Kvart skilt er 46,5 cm x 48,8 cm og kostar 8625 kr. I prisen inngår i tillegg til sjølve produksjonen, hjelp til tekstutforming og redigering, utforming av skiltutkast, administrasjon samt frakt.

Det vert opplyst at den tekniske kvaliteten på skilta er høg. Dei er pressa i jarn og vert brende i fleire prosessar med koboltblå og kvit emalje. Slike skilt har stor slitasjeve under alle vertilhøve så lenge emaljen er uskadd.

Arbeidet skjer på dugnad, men sjølve kostnadane til dei fysiske skilta treng me hjelp til å finansiera.

Me har sett opp følgjande budsjett.

Budsjett		Sum
Innhenting av informasjon og tekstutforming	+ kr	17 500
Skiltkostnad med skruar	+ kr	139 200
Oppsetjing	+ kr	5 600
Sum kostnad	= kr	162 300
Dugnadsinnsats	- kr	23 100
Udekka finansieringsbehov	= kr	139 200

Me legg til grunn at Vaksdal historielag og Dale sentrumsforening vil bidra med støtte, men dette vil ikkje vera nok til å realisera prosjektet. Me søker difor Vaksdal kommune v/Bygdeutviklingsutvalet om eit bidrag på 100 000 kr.

Beste helsing

Arbeidsgruppa for skilting av hus på Dale

Sigmund Simmenes

Terje Geithus

Bodhild Laastad

Døme på blå skilt

